

CONVENIO DE COLABORACIÓN ENTRE A CONSELLERÍA DE POLÍTICA SOCIAL E IGUALDADE E O CONCELLO DE VALGA PARA O FINANCIAMENTO DO ACONDICIONAMENTO DO CENTRO OCUPACIONAL MUNICIPAL DE ATENCIÓN A PERSOAS CON DISCAPACIDADE NO MARCO DO PLAN DE RECUPERACIÓN, TRANSFORMACIÓN E RESILIENCIA, FINANCIADO POLA UNIÓN EUROPEA, NEXTGENERATIONEU, NO EJERCICIO 2026

MEMORIA XUSTIFICATIVA

A Comunidade Autónoma de Galicia, segundo o establecido no artigo 27.23 do Estatuto de autonomía de Galicia, en consonancia coa habilitación competencial outorgada ás Comunidades Autónomas polo artigo 148.1.20 da Constitución española, ten competencia exclusiva en materia de asistencia social, polo que, na súa virtude se aprobou a Lei 13/2008, do 3 de decembro, de servizos sociais de Galicia.

A Consellería de Política Social e Igualdade é o órgano superior da administración autonómica ao que lle corresponde as competencias en materia de servizos sociais, e consecuentemente a atención do colectivo de persoas con discapacidade, conforme ao Decreto 139/2024, do 20 de maio, polo que se establece a estrutura orgánica da Consellería de Política Social e Igualdade.

O Concello de Valga conta con un centro ocupacional de atención a persoas con discapacidade (CODI). Na actualidade, o centro conta con 11 persoas usuarias, ás que se lles prestan servizos de atención ocupacional e actividades orientadas ao desenvolvemento persoal e social. Non obstante, as condicións actuais do edificio están a limitar o correcto desenvolvemento destas actividades debido aos problemas estruturais e de funcionamento detectados nas instalacións.

O edificio que alberga o centro presenta deterioracións significativas na cuberta, que provocan filtracións de auga e problemas de estanquidade. Estes danos víronse agravados polos temporais acontecidos durante o último inverno, incrementando as incidencias no interior das instalacións. Estas filtracións ocasionan:

- Humidades e deterioro de paramentos interiores.
- Limitación do uso de determinados espazos do centro, como a cociña, ao filtrarse auga polos condutos da campá extractora.
- Risco de deterioro de equipamentos e materiais empregados nas actividades.
- Posibles afeccións ás condicións de seguridade e confort das persoas usuarias e do persoal.

Ademais, detectouse a necesidade de garantir a continuidade do subministro eléctrico, especialmente en episodios de incidencias na rede ou cortes de subministración, que poden afectar ao normal desenvolvemento das actividades do centro ou incluso provocando a perda dos materiais empregados en actividades.

As actuacións previstas son a reparación da cuberta e a instalación dun xerador eléctrico.

As actuacións propostas responden á necesidade de garantir a seguridade, funcionalidade e continuidade do servizo prestado polo centro, que atende a persoas



con necesidades específicas e require instalacións adecuadas para o desenvolvemento das súas actividades.

A reparación da cuberta permitirá eliminar os problemas de filtracións e deterioro que actualmente limitan o uso de determinados espazos do centro, mentres que a dotación dun xerador permitirá asegurar a continuidade do servizo ante posibles incidencias no subministro eléctrico.

En consecuencia, estas intervencións considéranse imprescindibles para manter a calidade do servizo e garantir unhas condicións adecuadas de atención ás persoas usuarias

O Consello Europeo aprobou o 21 de xullo de 2020 a creación do programa NextGenerationEU, como instrumento de estímulo económico en resposta á crise causada polo coronavirus.

O 10 de novembro de 2020, o Parlamento Europeo e o Consello alcanzaron o acordo sobre o paquete de medidas que inclúe os fondos de NextGenerationEU e o Marco Financeiro Plurianual 2021-2027, creándose o Mecanismo Europeo de Recuperación e Resiliencia, como instrumento de apoio aos Estados membros a través de transferencias directas e préstamos para incrementar os investimentos públicos e acometer reformas para paliar os devastadores danos producidos pola COVID-19.

O Regulamento (UE) nº 2021/241 do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia, sinala que os Estados membros elaborarán plans de recuperación e resiliencia nacionais para acollerse a este e alcanzar os obxectivos establecidos e presentárase formalmente polos Estados, como moi tarde o 30 de abril de 2021.

En virtude da Resolución da Subsecretaría de Asuntos Económicos e Transformación Dixital do Ministerio de Asuntos Económicos e Transformación Dixital do 29 de abril de 2021, publícase o Acordo do Consello de Ministros do 27 de abril de 2021, polo que se aproba o Plan de Recuperación, Transformación e Resiliencia, que define as estratexias a seguir no desenvolvemento dos fondos europeos de recuperación (*Boletín Oficial del Estado* número 103, do 30 de abril de 2021).

Este convenio encádrase no marco do Mecanismo de recuperación e resiliencia, dentro do eixe/compoñente 22: economía dos cidadáns e reforzo das políticas de Igualdade e inclusión social, medida/investimento I1: Plan de apoios e coidados de larga duración: desinstitucionalización, equipamentos e tecnoloxía, submedida: transformación da rede de coidados de larga duración a través da construción, adquisición, reforma e modernización de equipamentos, do Plan estatal de recuperación, transformación e resiliencia, financiado pola Unión Europea- NextGenerationEU, e no cumprimento da normativa autonómica, estatal e da Unión Europea que regula este tipo de investimentos, e quedan suxeitas, en todo caso, ao cumprimento, execución e realización dos obxectivos do referido plan. Encádrase no proxecto "Renovación o construción de centros residenciais, no residenciais y de día para adaptar plazas al nuevo modelo de cuidados de larga duración, - Subproyecto del Objetivo 323 de la Comunidad Autónoma de Galicia".

O obxecto do presente convenio é a colaboración por parte da Consellería de Política Social e Igualdade co concello de Valga a través da concesión directa dunha



subvención destinada ao financiamento dos gastos derivados do acondicionamento do centro ocupacional de atención a persoas con discapacidade.

As obras céntranse en:

- Reparación e reposición da cuberta do edificio
- Dotación dun sistema de xeración eléctrica autónomo

Ambas intervencións resultan necesarias para garantir a seguridade, habitabilidade e continuidade do servizo.

1. Considéranse actuacións subvencionables os gastos derivados da execución por parte do Concello de Valga do acondicionamento do centro ocupacional para discapacitados

2. En concreto, será subvencionable os gastos derivados de:

2.1 Reparación da cuberta A intervención prevista contempla a reparación integral da cuberta do edificio, incluíndo:

- a) Aluguer de plataforma elevadora para acceso seguro aos traballos.
- b) Levantado da cuberta existente e retirada das tellas deterioradas.
- c) Xestión e transporte dos materiais retirados a vertedoiro autorizado.
- d) Reposición da cuberta mediante novo material de cobertura e colocación de tellas.
- e) Substitución de limas e cumios para garantir a correcta evacuación das augas.
- f) Medidas de seguridade e saúde durante a execución da obra.
- g) Xestión de refugallos xerados durante a intervención.

Estas actuacións permitirán recuperar a estanquidade da cuberta e evitar filtracións, mellorando as condicións de uso do edificio e prolongando a súa vida útil.

2.2 Instalación dun xerador eléctrico

2.2 Instalación dun xerador

A segunda actuación consiste na adquisición e posta en funcionamento dun grupo electrógeno, con alimentación fotovoltaica e batería, insonorizado, trifásico, con capacidade aproximada de 125/138 kVA, preparado para funcionamento automático.

O equipamento inclúe:

- Xerador industrial en cabina insonorizada.
- Sistema de alimentación ininterrompida (SAI) con IOT de 7,5 a 8 kVA
- Batería Pb-Ca, VRLA, Pb aberto, gel Ni-Cd, Li-Ion
- Regulación electrónica de velocidade do motor.
- Cadro de conmutación de 250 A.
- Posta en marcha por técnico especializado.

Este sistema permitirá garantir o funcionamento do centro ante posibles cortes de subministración eléctrica, evitando interrupcións nas actividades e asegurando a



operatividade dos equipamentos necesarios para o desenvolvemento das tarefas do centro.

3. Considerarase subvencionable o imposto sobre o valor engadido (IVE) cando non sexa recuperable pola entidade solicitante.

Para o cumprimento da finalidade prevista na cláusula primeira deste convenio a Consellería de Política Social e Igualdade achegará un total de sesenta e tres mil catrocentos trece euros, con vinte céntimos (63.413,20€), que serán imputados á aplicación orzamentaria 08.04.312D.760.0, código de proxecto 2022 00125, dos orzamentos xerais da comunidade autónoma de Galicia para o exercicio 2026.

As actuacións a subvencionar a través deste convenio, recollidas na súa cláusula segunda, adecúanse ao ámbito competencial da Consellería de Política Social e Igualdade previsto no Decreto 42/2024, do 14 de abril, polo que se establece a estrutura orgánica da Xunta de Galicia, no Decreto 49/2024, do 22 de abril, polo que se fixa a estrutura orgánica das consellerías da Xunta de Galicia, e no Decreto 139/2024, do 20 de maio, polo que se establece a estrutura orgánica da Consellería de Política Social e Igualdade, e as específicas necesidades inherentes ao colectivo ao que van dirixidas. Polo tanto queda xustificada a concesión directa desta subvención, en aplicación do artigo 26 da Lei 9/2007, do 13 de xuño, que permite establecer convenios a través dos cales se canalizan estas subvencións resultando xustificada a imposibilidade de promover a concorrência pública en relación ao artigo 19.4 c) da Lei 9/2007, do 13 de xuño, e o Decreto 11/2009, do 8 de xaneiro.

Asinado dixitalmente en Santiago de Compostela

A directora xeral de Persoas con Discapacidade

Begoña Abeijón Fernández

